

Mientras cu Minister di AVP no kier tende nada di marihuana

Fraccion di AVP si ta habri pa trata legalisacion di marihuana den Parlamento

ORANJESTAD – E topico pa legalisa Cannabis ta un tema hopi dificil ya cu hopi hende tin nan pensamento riba e asunto aki. Sr. Chris Dammers como parlamentario di AVP a indica cu mester haci un evaluacion prome cu tuma un decision. Parlamento ta dispuesto pa trata un reunion riba e topico aki. E hecho cu Cannabis ta ser uza pa cierto tratamento nan ta importante. Loke ta haci esaki mas interesante ta e hecho cu un dia prome, minister di di e mesun partido di AVP Arthur Dowers a sigura cu e no ta firma nada di cannabis y cu cu-alkier discusion riba e tema ta inutil pasobra e no ta bai firma esaki toch. **BON ARUBA** a compronde di su oficina cu si dado caso Parlamento pasa cualkier ley legalisando marihuana, e lo no firma esaki.



Parlamentario Chris Dammers

TRATAMENTO MEDICO

Segun Dammers, hendenan cu dolor di cancer cu ta biba luna y añanan largo cu e dolor, ta demostra cu e uzo di cannabis ta alivia e dolor. Si e intencion ta pa permiti e uzo di e producto

aki mester evalua e forma con ta introduci esaki. Ta un hecho cu na Hulanda bo tin e cafe's nan cu ta bende e producto aki. awor bou di prescription di mediconan mester busca e base di carga amplio pa e asunto aki.



Minister Arthur Dowers

PROHIBI

Antes alcohol y otro productonan tambe tabata ilegal den pasado of castigabel. Despues di hopi tempo a cuminsa discusion riba e topico aki. Despues di tempo a haci e palabra-

cionnan cu por a yega asina leu y introduci e producto nan basa riba alcohol.

Vice Presidente di Parlamento a indica cu tin hopi discusion riba e topico aki y Parlamento ta dispuesto pa trate.

DIRECCION

Parlamento ta bay ricibi un carta pa trata e asunto aki. Segun Dammers, Gobierno di nan banda mester evalua kico nan ta bay haci. No ta solamente un carta pero mester bin un ley iniciativa riba e topico aki tambe.

Parlamento no a haya e ley di concepto of ley di cambio riba e ley cu ta atende cu e asunto di droga den nos comunidad y como tal te ainda Parlamento no tin un bista cua ta e direccion cu kier bay cu e topico aki. □